

Q. D. B. V.

DISPUTATIO INAUGURALIS MEDICA

De
ICTERUS,

Quam

CONSENSU & APPROBATIONE

AMPLISSIMÆ, GRATIOSISSIMÆQUE FACULTATIS
MEDICÆ IN CELEBERRIMA ACADEMIA
TUBINGENSI

PRÆSIDE

DN. ELIA RUDOLPHO CAMERARIO,

Philos. & Medicinæ Doctore & Professore P.

Archiatro & Consiliario Würtembergico

t.t. DECANO,

*Domino Patrono & Præceptore omni observantia cultu
prosequendo.*

PRO LICENTIA

SUMMOS IN ARTE MEDICA HONORES

ET PRIVILEGIA DOCTORALIA RITE

CONSEQUENDI.

Ad diem Septembris Ann. MDC LXXIX.

horis matutinis

IN AULA NOVA

Publico Examini submittit

JOH. BURCKHARDUS MÖGLING,

Pfortzheimensis.

TUBINGÆ,

Typis JOHANN-HENRICI REISI,

THE UNIVERSITY OF CHICAGO


CHICAGO, ILL.

1900

LIBRARY

OF THE

UNIVERSITY OF CHICAGO



Σύγ. Θεω.

THESIS I.

I Ari cum pluribus affectibus p. n. usus fortuna
Icterus vocatur ab analogia cum re quapiam
externa, vel *ἀπὸ τῆς ἰκτερός*, Lat. Gulgulo ave,
quæ Autore *Plinio H. N. l. 30. c. 11.* ejusdem
est cum Ictérico coloris, visaque sanat icterum,
ipsa moritur; vel à viverra, seu mustela sylve-
stri, quæ Græc. dicitur *ἰκτίς*, & auricolores habet oculos; vel *ἀπὸ
τῆς ἰκτὺς* milvo, ob similem oculorum colorem; vel à gemina,
quæ Ictero medetur, & *Plinio l. c. l. 37. cap. 10.* Ictérias audit.
Aliàs vocatur quoque Aurigo, Auriginosa perfusio, Morbus Re-
gius, Arquatus, quorum explicationes ubivis obviæ, Germ.
Gelbsucht/Gallsucht/ quasi *Gallsucht*; Ab Aliis hoc nomen etiam
tribuitur Erysipelati, quod Ictertia rubra, Chlorosi, quæ Icterus
albus dicitur, & vitiligini.

II. Ad Pragmatologiam accedens *Icterus*, qui præsentis
erit tractationis, definitio, quod sit *Symptoma qualitatis mutatae, quò
habitus corporis flavo, obscure viridescenti aut nigro colore inficitur,
à vitioso p. n. humoris ejusdem coloris in cutem effusione dependens,
& variis stipatum molestiis.*

III. *Subjectum* quidem non solùm est habitus corporis,
sed partes quæcunque, ad quas sanguis alluit, hinc album ocu-
lorum potissimùm affici, visus; carnem, membranas, pinguedi-
nem, fauces, gulam, ventriculum, intestina, pericardium, hepar,
cerebrum, quod in specie dicit *Helmont. Schol. Humor. Pass. de-
cept. c. 4. §. 16.* aliàsque partes, sanguinem, lympham, lacry-
mas nonnunquam etiam flavere, imò matrem Ictericam simi-
lem foetum, sanguine & ossibus hujus tinctis, edidisse variæ Me-
dicorum testantur Observationes; quò jure ergò ictericum colo-

rem solùm cuticulæ, non cuti aut subjectis partibus inesse dicitur. *A. Mollinetti diff. Anat. pathol. l. 1. c. 3.* meritò dubitò; posuimus tamen habitum corporis in definitione, quod ibidem vitiosus color in sensus incurrat, alibi verò mente tantùm percipiatur; Ipsa autem cutis glandulosa subjectum aliquando fit causale, dum glandulis istis stagnans humor vitiosus sive affluentem sanguinem tingit, sive tincturæ aptos in illo humores segregat.

IV. *Causa proxima* unanimi Medicorum consensu est humor p. n. flavus, vel niger, cuti suffusus, qui quidem vulgò illo nomine, flavæ vel atræ venit; *Sennert.* tamen *Inst. l. 2. p. 2.* ob similem colorem de bile non rectè semper concludi asserit, quæ vidisse ait humorem à scemina vomitu excretum planè ceum, qui tamen bilis qualitates non redolens dulcis erat, & prope glycyrrhizam æmulabatur. Causa ergò erit biliosus humor non angustioribus inclusus terminis. Nam sub hoc bilem naturalem, tum à crasi debita deviantem, humores tum Veterum phrasi biliosos, tum alios etiam variâ particularum mixtura analogos, sulphureas, acriores sanguinis particulas, serum commixtionem flavedine tinctum, igneos humores, virus excrementosum, cruorem sive stercus flavum, in unum coiens entellum atque vitriolatum sal cum liquore sulphuris resoluti, similitudinem bilis ad naturalem cum cæteris humoribus effervescentiam, acidum fermentale à felle dulcificatum, furcata sive furcata spicula, & spiritus martiales comprehendere, unam rem tam variis nominibus adaptare quid vetat? Peccat iste biliosus humor hîc loci vel quantitate excedente, vel qualitate variis commixtis variè alteratus, eaque ad naturalem crasin particularum, quæ sunt maximè sulphuræ, falsæ enixæ & volatiles sero haud destitutæ, texturam sive irreducibili, quod constantiæ & totius generis vitium Alii dicunt, sive reducibili, cui utrinque aut effera fit bilis, turgescit, effervesceat, (licet non semper febriliter,) aut crassa, viscida, pinguis nimis fit, particulae sulphuræ ejus, aut falsæ enixæ aduruntur, figuntur magis, tandem quasi fluit; vel motu, dum (effervescentiam dictam etiam Alii huc referunt) impetuosè & p. n. ad exteriores potissimum movetur partes, distributivæ, verbò *Helmontii*, errore, aliquan-

criticè, symptomaticè aliquando, dum in extimis stagnat, quod Loci vitium alii vocant, & interdum sanguinem, ut §. *preced.* dictum, magis inficit. Sæpèque non uno dictorum, sed duobus & pluribus modis Symptoma hoc producit biliosus humor.

V. *Cause Mediata Naturales* sunt, quotquot largiorem biliosi humoris proventum adjuvant, eundem variè alterant, & ad exteriora moveri faciunt, corpusque ad obstructions, viscerum maximè, disponunt, temperamentum cholericum, melancholicum, prima infantia, ætas juvenilis, senilis. Mercurium & Martem accusant *Astrologi*, ad quos Lectorem remittens, Medicum rectius causas sensibus nostris magis obvias, quàm remotas illas ab astris desumas inquirere judico.

VI. *Nonnaturalium* agmen ducit Aër, calidior præcipuè, & siccior, qui bilis ferax, frigidus item, obstructionibus, & crudorum humorum collectioni ansam qui præbet. Cibi calidi, sicci, acriores, valdè aromatizati multum ad copiam, & ebullitionem bilis conferunt, vini meracioris & spiritus vini liberalior potus, inedia, consueti jentaculi denegatio, immoderata corporis exercitia, post cibum præsertim, vigilæ nimix, lucubrationes, ira, exempl. in gravida vide apud *River. C. 2. Obs. 9.* mœror longus, metus, exempl. habet gravidæ *Excell. Binninger Cent. 5. Obs. 37.* & intempestiva, balneorum usus nimius, verbô, Luxus omnis velut imber sanitatem nostram prosternens; Idem efficiunt retenta subinde p. n. quæ excerni debebant, excrementa, menses præprimis, lochia, & hæmorrhoides, hinc & icterum infantes in utero materno, vel 3. aut 4. die à partu corripiantem non malè ex meconio retento, aut in deterius corrupto quidam derivant, notante *Exc. D. D. Ettmüll. Valet. Inf. c. 2.* melius sc., quàm qui ex compressione infantis in partu deducunt. A tabaci fumo in Inassueto Icterus natus vidit *Borell. hist. & Obs. Medico-phys. C. 4. Obs. 31.* Ex assumptione plumbi copiosiore *Fernel. d. cuc. L. Ven. c. 7.* observavit, Ex baccis juniperi immoderatius devoratis puer adhuc Icterus contraxit *Exc. Bruno*, ut refert *Remor. purg. p. 120.*

VII. *Venena* quomodo Icterus producant, lis est inter Autores maxima: Potiores cum *Senn. l. c. τὸ θῆλον* Hipp. agnoscunt,

scunt, venenaque hæc non manifestis qualitatibus, sed occultavi, quæ deleteria dicitur, sanguinem in flavum, nigrumve humorem convertere putant; Absque tamen occulta vi humores varios diversa particularum textura diversisque instructos potentiis occurrentes sibi in singulis corporis partibus sanguinis splendentem purpuram variè mutare posse ipsa docet Experientia; Nec negaverim, venena imis summa confundendo, bilemque cum sanguine commiscendo auriginem producere posse, quò respectu *M. Donat. hist. med. mir. l. 1. c. 9.* bilem copiosam præexistentem requirit, & Naturam, dum hostem à vitæ fonte ad ambitum propellere conatur, bilem simul in corpore ad externas partes deturbare credit, quali modo & sæpe purgantia iæterum efficere solent; Præstant autem id venena per os assumpta vias cibi ingestæ ordinarias permeando, morsu verò, vel ictu inflicta per venas, vasa lymphatica, & arterias (modum in conflictu explicabo) cordi, sanguinique communicantur, per contagium verò haustus similes venenati halitus sanguini in pulmonibus, non cerebro commiscuntur.

VIII. *Res p. n.* Causæ vicem gerentes sunt humores p. n. morbique varii. Hepar, per cujus acinos glandulosos & poros bilarios segreganda bilis, si calida & sicca intemperie, tumore, inflammatorio præsertim, item scirrho, vulneribus & ulceribus afficitur, vel obstruitur, vitia supra exposita producit; frequentissimè fit obstructio, mali hujus causa, in ramis bilariis aliquibus non rarò vel omnibus per totum hepatis corpus dispersis, & ubique cum portæ ramis communi quadam capsulâ inclusis, ut testatur *Fr. Glissonius Anat. hep. c. 27.* in poro bilario, cystide fellea, ductu cystico, & communi, idque à plethora, sed rarissimè, à phlegmate viscido, grumo sanguinis, bile crassa & copiosa, præsertim si talis gignitur, vel ob moram diuturniorem in cystide ab ambiente calore quasi affatur, prout & hoc cerumini accidit, monente *Plater. prax. Med. tract. 3. d. Vit. Cut. l. 1. c. 2.* à lymphâ glutinosa, callo, crusta lapidea, amurca argillosa, quale exempli habet *Celeb. Barthol. Aët. Hafn. vol. 3. obs. 260*, vermibus, quorum duos in vesicula vidit *Gal. Wierus teste F. Hildano Obs. chir. 60. Cent. 1.* & à Calculo, cujus plurimæ prostant obser-

servationes, vid. saltem *Kentmann. d. calculo, Schenk. in Obs. Exc. Schneider. d. Catharr. l. 3. s. 1. c. 7. Eph. Germ. Ann. 1. Obs. 44. & 129. Ann. 3. obs. 260. &c. Bierling. advers. curios. p. 5.* Et optarem cum Celeberrimo quodam Medico accuratam hujus dig-
 notationis & curationis indagacionem. Sub tali obstructione aut non omninò in porum biliarium & cystidem, aut non satis expel-
 litur biliosus humor, aut regurgitat ex his, quod frequentius ac-
 cidere *Exc. Bonetus dicit Anat. Pract. l. 4. s. 3. obs. 21.* quod & fit, si dicti ductus & folliculus constipantur, immodicè replentur, si com-
 primuntur, aut à causa aliqua externa violenta, ab hepate tumi-
 do, aut ventriculo & intestinis flatu distentis, ab utero quoq; viscera
 sursum cogente, si instar chordæ exiccantur ad ariditatem, ut no-
 tavit *Argenter. l. 4. aph. 62.* si obtorpescent, si convelluntur, si à ni-
 mio & præpostero adstringentium usu adstringuntur, si intestina
 spasmodicè contrahuntur, eorū glandulæ læduntur, imò nonnun-
 quam, si turgescit bilis; Hanc in classē referendi varii partiū san-
 guinis depurationi inservientium morbi, ventriculi puta, intesti-
 norum, pancreatis, lienis, renum, glandularum, etiam subcutanea-
 rum, & Febres variæ, biliosi nimirum humoris vel quantitatem
 augendo, vel crasin mutando, vel motum invertendo; Natura
 item crisin institutura, operiq; huic impar cum vitioso humore si-
 mul bilem in corporis ambitum protrudit. Vulnera causæ fiunt
 icteri ob affectus animi alterantes & moventes sanguinem, Ar-
 cheum furibundum, quod & de venenis dictum, sanguinis efflu-
 xum & penuriam, ac nonnunquam globum vel grumum san-
 guinis ductum communem choledochum obstruentem.

IX. *Nigri Icteri* causa vulgò audit Lien p. n. affectus, se-
 gnior scil. in attractione chyli crassioris, vel succi melancholici,
 unde remanentes in sanguine atram hanc cutis defædationem
 inducunt, præter fas tamen & æquum, cum lienis hoc officium
 non sit, ut abundè videre licet ex *dis. d. Liene Exc. D. D. Metz-
 geri, Præceptoris & Patroni mei Parentis instar devenerandi.* Non
 tamen Lienem hîc penitus absolvo, præprimis, si niger color
 sensim corripit ægrum, quatenus scilicet recrementosæ sangui-
 nis partes ob non impressum à Liene fermentum in debitis natu-
 ræ emunctoriis non secernuntur, & relictæ sensim cruorem bo-
 num

num proportione superant, eidemque & toti conseq. corpori alienum; sibi tamen proprium imprimunt colorem, quo sensu egregiè Ictericum nigrum describit *Forest. l. 19. Obs. 22. in schol.* quod sit delatio sanguinis impuri, non expurgata ab eo nigra bile, in universum corpus; Flava tamen bilis deterius corrupta similem inducere poterit colorem, hinc nec malè à *Willisio tr. d. Urin. c. 4.* definitur, quod sit flavus diuturniori mora in deteriore effectus.

X. *Signa* quærentibus ipse se prodit hic affectus, flavus nimirum, aut obscure viridescens, vel niger corporis color, qui in albidis ejusdem partibus citius perspicitur, quàm in reliquis; Album Oculi hoc malum facilè revelat, proindeq; Ictericis interdum visa flava apparere affirmant *H. Capivacc. l. 3. Prax. c. 21. & P. Zacchias quest. Med. Leg. l. 2, tit. 1. quest. 4. num. 6.* quod tamen rarò & tùm, cùm humores oculi inficiuntur, biliosoque humore splendente, contingere testatur ægrorum relatio, & negat cum Aliis *Mercurial. prax. lib. 1. cap. 32.* In venis quoque sublingualibus ob earundem amplitudinem & linguæ laxitatem croceus hic color facilè apparet. *C. Gemma l. 1. d. Nat. Div. charact. c. 7.* vidit & ungues, & labia, & crines cum omni corporis habitu extremè fulvos & aureos in icterica mensium suppressione laborante, teste *M. Donat. l. c. Borellus l. c. C. 1. Obs. 68.* observavit argentum in pera IctERICI, mirum! citrino colore infectum. Urina est crassa, crocea, interdum viridis, & atra, cui immersa linteamina simili colore imbuuntur; Quod verò nulla ex ulceratio appareat, sub longiore præcipuè Ictero, quæstio est difficillima, cùm in herpete bilis semper partem corrodat: Cystim felleam, licet bilis sincera ibidem vires suas habeat unitas, Natura sagaci consiliò, tanquam partem exquisitissimo sensu prædictam contra contenti feritatem secundum superficiem internam lento muco obduxit, ut notat, qui instar omnium est, *J. Vesling Synt. Anat. c. 4.* ob quam rationem & per vesicæ membranam tertiam & quartam vasa sanguinea non disseminari dicit *Celeb. Borrichius Act. Med. Hafn. Vol. 2. Obs. 53.* Veruntamen, cum aliis partibus Natura hoc modo non providerit, potius intimior feri, quod in specie ad humorem Pancreaticum restringit *WartB*

Adenogr. c. 13. bilis acrimoniam hinc temperat, quam planam facit bilis in hoc malo per urinam & sudorem frequens excretio, remanente licet colore, adde, quod alia herpetem, quam quæ Icterus, bilis efficere videatur; nam in Ictero intimius sero sulphuræ & biliosæ commixtæ, ab invicem solutæ, imò subactæ sunt particulæ; & quod vasa non similiter afficiantur; fit tamen non rarò molestus sub cute pruritus, in diuturniore maximè Ictero, exempl. vid. ap. *Gr. Horst. Obs. Chir. l. 4. p. 2. Obs. 2.* quod in declinatione fieri ait *Sylvius prax. Med. l. 1. c. 46.* Junguntur aliæ communiter, (hinc naturalis excluditur Icterus) molestiæ; fervor & dolor lancinatorius circa dextrum hypochondrium, compressio, ut vocant, cordis, lassitudo, pigrities, gravitas, respiratio difficilis, oris amaror, anorexia, capitis dolor, alvi constipatio; Cur verò non omnes Phrenetici fiant IctERICI, ex diversa biliosi humoris in utroque affectu conditione facilè patet.

XI. Venenum, ut ad potiores causarum species descendam, si in culpa, referet æger, vitæque antecedens, maculæ ubique ferè erumpent lividæ, nigræ, cæruleæ, aut diversicolores cum aliis signis veneni malitiam notantibus. Hepatis intemperiem calidam, item inflammationem, biliosi humoris copiam, & turgescientiam, designant pulsus celer, febris, tussis, sitis p. n. nausea, fastidium cibi, amaror oris, vomitus bilis, dextri quoque hypochondrii gravitas & dolor, urina erit intensè flava, feces verò alvi à naturalibus vix discrepantes, vel bile copiosâ tinctæ, quapropter præcipuè obstructionem abesse colligitur, cum in hac alvus sit pigra, argillosasque instar canis ossa rodentis feces deponat. Collum vesicæ felleæ obstructum patefacit Cardialgia, sive dolor tensivus juxta Cartilagineam ensiformem, qui affe tegetur, Autore Excell. *D. D. Wepfero in epist. contenta in Obs. Med. 79. Cent. 1. Exc. D. D. Verzaschæ.* Excrementa alvi viridia, lumborum dextri, præsertim, dolor, calor, horror, dolor nephriticum mentiens, effervescentiam biliosi humoris in intestinis notant. Criticus Icterus ex febre acuta, signis coctionis, die Critico, urina & fecibus naturalibus plerunque judicatur, Symptomaticus ex febre acuta, sed absque signis coctionis die non Critico,

tico, & fecibus alvi non naturalibus cognoscitur. Plura causarum aliarum signa ubivis apud Practicos videre licet.

XII. Circa *Prognostica* in genere notandum, non esse universale *Helmontii sextupl. digest. alim. hum. §. 30.* pronunciatum, quod dicit, Icterus non esse mortalem. Facilius est Icteri flavi curatio, quam nigri, ob causas hujus pertinaciores, si à levi scilicet obstructione oritur, unicum non raro cholagogon exhibitum sufficit, verbis *Sennert. prax. l. 3. p. 6. §. 2. cap. 7.* Periculosior est cum intemperie hepatis, vel inflammatione conjunctus, lethalis plerunque, ubi à calculis nata fuit obstructio, exempli videtur apud *Timæum l. 3. Obs. 28.* Quibus hepar fit durum, malum quoque esse ait *Hipp. aph. 42. §. 6.* Periculosus pariter venenatus est, quod, ut inquit *Hübnerus, Fautor & Amicus Argentorati olim honoratissimus. diss. inaug. d. Tarantismo c. 7.* profundius jam impactum visceribus venenum vitæ sedem & rationis tribunal occupaverit, edito in publicum improbitatis specimine, ictum tamen Tarantulæ raro lethalem, ut ex mille demorsis vix duo moriantur, proclamat *Sennert. Pr. l. 1. p. 2. c. 17.* Malum item est signum anorexia, deliria, vigiliæ; A callis, exiccatione, compressione, ortus difficulter curatur. In febribus acutis, si Icterus die 7, aut 9, aut 11, aut 14. supervenerit, bonum esse, nisi dextrum hypochondrium induruerit, dicit *Cous §. 4. aph. 64.*, Malum contra, si ante diem 7. febricitantes aurigine corripiantur *aph. 62. §. 4.* Ubi Eruditorum animis magna insidet dubitatio, quibus fundamentis posterius hoc *Hipp.* effatum nitatur; Potiores, inter quos est *Senn. Inst. l. 3. p. 3. c. 7. & prax. l. 3. p. 6. §. 2. c. 7. P. Martianus Comm. in §. 4. d. rat. vi&t. in morb. acut. Hipp.* nimis rigidam mali acceptionem rejiciunt, & ut periculosum, non verò simpliciter lethale, septimumque diem tanquam principalem Criticorum pro omnibus hic esse positum pronuntiant, quibus ipse *Hipp.* subscribit *l. 4. d. rat. Vi&t. in morb. acut. v. 270.* inquiens: In febre biliosa Morbus Regius ante 7. diem natus cum rigore solvit morbum, sine rigore pestiferum. Pari limitatione eget *aph. 72. §. 5.* Auriginosi non sunt admodum ventosi; Ii scilicet, quibus bilis in jecore calidiori redundans, quod in Græcia frequens, Icteri erat causa, secus verò, ubi jecur vel cystis fellea ex collectione crudo-

rum humorum est obstructa, accidere Experientia testis est, ob defectum scil. clysteris naturalis, quô natura crudos humores in intestinis diluere solet, vid. *Holler. d. Morb. intern. l. 1. c. 37.* Quoad Eventus modum, terminatur nonnunquam in hydrope, colicam, dysenteriam, febres, cachexiam, aliosve plures p. n. affectus.

XIII. *Curationem* aggressurus monitum observet *Paracelsi*, Icteri semina, antequam in caulem & flores erumpant; ut marcescant, cogenda esse dicentis, & Indicantia probè animadvertat; Curatorio quidem Indicante secundum Doctores morborum proprio hic seposito, Præservatorium causas icteri respiciens (*Galenus l. 9 d. comp. medic. sec. loc. errare Medicos dicit, qui absque discrimine omni ictero eadem præscribunt medicamenta*) biliosum humorem quantitate, vel qualitate irreducibili peccantem educere, eundem cum sanguine ad crasin debitam revocare, ebullientem refrænare, præcipitare, invertere, dissociare, dejicere, deprimere, sistere, figere, mortificare, sedare, prosternere, (quomodocunque voces, modò cures, parùm refert,) viscidum, crassumque attenuare, incidere, detergere, fixum elevare, obstructiones referare, stagnantem discutere, movere, veneni vires infringere, & sæpius, quia Causæ junguntur, quædam horum Indicantium jungere jubet; Virium rationem habet Vitale, viscerum singulorum corroborationem præcapiens. Ambobus decenter simul satisfiet remediis ex Chirurgia, Pharmacia & Diæta desumptis. In Chirurgia primas tenet V Sectio, quæ tamen, cum plethoræ maximè deplendæ gratia instituat, in præsentī affectu vix conveniet, nisi ubi intemperies hepatis vel inflammatio subest, vel sanguinis nimia fit ebullitio. *River. in Obs. supra §. 6.* cit. suavit Venæsectionem quidem, ob metum tamen abortus, qui nihilominus fuerat insecutus, omissa fuit; nec majus præsidium in venis narium pertusis sperandum; Fonticuli tamen, cucurbitulæ siccæ, frictions, pectinationes, & pilorum vellicationes suâ hîc non sunt privandæ laude.

XIV. Majoris momenti sunt remedia Pharmaceutica, quæ pluribus Indicationibus variisque modis satisfaciunt. Suntque, quæ crassum, viscidum, & fixum biliosum humorem emendant,

dant, obstructions aperiunt, vitiosos humores in corpore redundantem naturæ reddunt obediētes, & per vias, quas ipsa affectat, suatore *Hipp. Sect. 1. aph. 21.* evacuant, quem in finem conducunt deoppilativa, incidentia, plerumque simul diuretica, aliquando diaphoretica, aperiētia, quæ commodè junguntur cum per alvum blandè & per *ἰνέγον* purgantibus, cum quibus tamen, ut & vomitoriis, quæ non nisi aliquando in recenti Ictero, & ventriculo viscido humore oppleto, admitto, cautè mercandum, ne nimium commotis humoribus igni oleum affundas; Inter purgantia autem juxta *Plater. l. c.* palmam reliquis præripiunt maximè amara, quippe quæ non solum contra obstructions profunt, sed & oscula venarum aperiunt, vermesque, qui frequentes in intestinis ob fellis absentiam generantur, enecant; Inter aperiētia excellunt dicta vulgò hepatica, cichoracea omnia, ut & rad. 5. aper. maj. & min. rad. urtic. curcum. rubiæ inct. herb. cent. min. absinth. pont. veronic. scorzon. marrub. Croc. fl. calend. Cort. aurant. Cicer. rubr. spec. diacurc. troch. d. capp. Syr. byzant. (multum saccharata tamen fugias) Eff. curcum. Aq. aperitiv. Exc. D. D. *Præfidis, Patroni & Præceptoris mei omni obsequii genere prosequendi.* Elix. propr. cum vel sine rhabarb., Spir. & Sal aperit. Penot. Simul & aromatica ac volatilia ex quocunq; regno, quorum ubique obvia est larga seges. Huc spectant, ex certis signaturis quæ cognosci dicuntur, non tamen istis, sed vi aperiēte, diureticâ, diaphoreticâ agentia, quorsum pertinet rad. Chelid. maj. quam in vino infusam infallibile ad Icterus remedium proclamat *A. Kircher. Art. Magn. Luc. & Umbr. l. 1. p. 3.*, Lapis luteus fellis bovis, de quo vid. *Ephem. Germ. Ann. 3. Obs. 283.* pellic. flava de Ventric. & ped. Gallin. &c. Similibus viribus gaudent specifica antiictERICA dicta, quorum sufficientem farraginem suppeditat *H. à Bra tr. d. remed. simpl. ad Ict.* Ex horum censu, Internè *Tb. Barth. Act. med. & phil. Hafn. Obs. 120.* decocto fragariæ inveteratum icterus curatum fuisse testatur, cui, ut potentius evadat, *Ph. Grünling. Pr. l. 3. p. 5.* admiscet marrubii mß. Succum marrub. ex *Diosc.* & Sirup. ex solo succo marrub. confectum ex *Foresto Obs. 19. l. 19.* laudat *River. prax. l. 6. c. 4.* In *Ephem. Germ. Ann. 3. Obs. 290.* Muscus pul-

pulmonaris quercinus ad Mj. in cerevis lbj. ad conf. mediet. decoctus vocatur certissimum auxilium, si singul. manè & vespri hauriantur cochl. xiiij. Ex ♂ parata, & cum superioribus maritata medicamenta multum profunt, & *Willisio Pharm. Rat. s. 2. c. 1.* sulphuris & salis fixi efferationes deprimendo, & cruorem volatilizando, Aliis alio modo, tantum juvamen afferunt; Limat. tamen ♂. præ Croco ♂. hic eligit Excell. *D. D. Wepfer. l. c.* quod scil. adustione spiritus penetrantissimus & Acidularum mater pereat. Antimoiium & ♂ in antimon. diaph. ♂ial. utile hic ineunt conjugium, laudandæ insuper Tinct. antim. & ♂. Essent. ♂. tartarizatam commendat Exc. *Ludovici Pharmac. mod. secul. applic. p. 529.*, Sal Urinæ extollit *Helmont. d. Lithias. c. 3. s. 2.* Optima etiam tartarea remedia, Spir. & Tinct. Tart Tart. Vi-
 triolat pil. tartar *Querc.* & simil. Acidulas ictericos prognostico relictos ad miraculum usque sanare inquit *Willis. l. c.* maturè tamen, antequam hydrops ingruat, aquaque in pedibus vel ventre coacervetur, ne scil. in corpore retentæ malum augeant, adhibendas vult *Plater. l. c.* Quibus quoque Quidam spir. acidus ex lignis substituunt. Ex regno animali pariter hic desumpta sunt plura præsidia, quæ *Willisius l. c.* salem volat. in sanguine depressum restituere, sulphurque & sal fixa nimis evecta deprimere, quò scil. sanguis bilem modicè tantum progignat, ritèque secernat, credit. *River. Pr. l. 6. c. 4.* ex *Quercet.* excrementis animalium, avium præprimis, qualitatem nitro-sulphuream, miramque incidendi, attenuandi, & dissolvendi vim attribuit. *H. à Bra l. c.* eadem esse ait diuretica, & partium subtilium, in specie verò stercorei anserino tantam vim inesse calorificam putat, ut gramina, in quæ inciderit, inurat; Hujus generis sunt lumbrici terr. in omnium ore repentes; Pediculos numero xi. devoratos commendat *Plater. l. c.* num. iiij, vel vj. in ovo forbili sumtos egregium sui experimentum vocat *Z. Lus. pr. hist. l. ult. c. 2. num. 7.* Infelicem tamen curam Icteri per pediculos in ventriculo ægri sese multiplicantes & mortem inferentes observavit *Hannæus Act. Med. Hafn. Vol. 3. Obs. 91.* Urinam ægri præscribit *Mercurial. l. 5 d. febr. c. 28.* quod humores lentos incidat, tenues secet, crassosque abstergat; Stercus anserculi verè herbam

pascentis in aq. & vin. decoct. propinat *Plat. l. c.* exicc. ad ʒj. dant *River. l. c.* & *Höferus Herc. Med. l. 3.* Stercus album pull. gallin. exicc. ad ʒß. per 4. dies exhibitum summum esse remedium ait *Grünling. l. c.* Similia plura habet præcit. *H. à Bra*, ad quem, cui hæc fercula arrident, remitto. Icterus cum hydrope nephritide & Ischuria stipatum, curatum vid. in *Ephem. Germ. Ann. 3. Obs. 174.* Formulas qui desiderat, sequentes habeat: R. rad. fragar. ʒj. chelid. maj. ʒß. herb. fragar. marrub. à Mj. summit. absinth. flor. Cent. min. à Mß. fol. senn. s. s. ʒij. rhabarb. ʒß. sem. anis. fæn. cor. à ʒj. Conc. & contus. in sacc. infund. in vini lb. vj. Quod vinum excipiat diligens usus seq. pulv. R. fec. rad. aron. ʒij. limat. ♂. ʒß. pulv. lumbr. terr. ʒiß. Salis Card. ben. Cent. min. à ʒj. sacch. alb. ʒvj. Quod si præter expectationem his non cederet contumacior causa, in nigro Ictero plerumque conspicua, valentius operabitur seq. R. pulv. cachect. Querc. ʒiij. Vitriol. ♂. ʒij. tart. vitriol. ʒiß. Sal. genist. fraxin. à ʒij. tamarisc. ʒj. Misc. Nonnunquam etiam interjiciantur purgantia, v. g. R. extr. rhabarb. ʒiij, f. pil. 40. & quovis quatrduo deglutiantur 20, vel R. rad. jalapp. ʒß. spec. diaturb. c. rhab. Crem. tart. à ʒß. M. d. in triplo. Externè Ictero mederi creditur Tinca piscis per dorsum dissectus, ventrique & pedibus pro amuleto applicatus ex *Senn. prax. l. 3. p. 4. c. 11.* quò & multos curavit *Cnoeffelius*, additis tamen simul internis, testib. *Eph. Germ. Ann. 4. & 5. Obs. 49.* *Höferus l. c.* ex *Rondelet.* plantis pedum seq. applicat: R. fol. visc. quern. Mij. marrub. chelid. à Mß. bacc. junip. Miß. contund. & cum vino misc. *Pilosella* herba calceis ægri imposita idem præstare creditur; *Grünling. l. c.* suadet mictionem supra stercus equinum recens egestum; Ex urticis ægri urinâ aspersis & farinâ permixtis placentulas paratas feli porrigunt Alii devorandas; Plures similes curas, sympatheticas, magneticas, vel per transplantationem vulgus in usu habet, earumque magnum numerum recenset *H. Petrus Nosol. barm. dogm. herm. diff. 37.* quorum quidem medicaminum, (verba sunt de arcanis *Galen. l. c. l. 4. c. 4.*) promissiones magnæ sunt, effectus aliquando nullus, plerumque exiguus, quorumque

rumque veritatem plebs inerudita, cum rationem scrutari nequeat, præter rationem credit.

XV. Reliquiæ, si quæ supersunt, circa habitum maximè corporis, eradicandæ penitus sunt, diureticorum vel diaphoreticorum continuatò usu, quem in finem *R. Minderer. med. mil. c. 6.* commendat pulv. rad. cyclam. quem sudorem evocare croceum, & linteamina tingentem dicit. *Ettmüll. l. c.* infanti icterico statim ab ortu præbere jubet gr. j croci sæpius de die in lacte nutricis. Balnea item pro discussione impacti cutis meatibus humoris profunt, thermasque Bollenfes laudat *Job. Baubinus d. therm. Boll. l. 3. c. 49.* Artificialia fiant ex decoct. fl. chamom. melil. centaur. malv. parietar. fol. querc. chelid. saponar. hordeo, furfur. lupin. fabis; aliud proponit *Timæus l. 3. Obs. medic. 27. & Obs. 30. ejusd. libri emuls. sem. Cannab. & nucl. persic. ad totum corpus fricandum suadet.* Sudor siue sequatur aliquis, siue nullus, modò per volatilia transpiratio corporis juvetur, color mutabitur. Criticus in febribus accidens præter transpirationis per cutis poros promotionem, & impedimentorum, si quæ hujus sunt, ablationem, nihil desiderat. Contra Calculos supra accusatos laudatur Spir. Nitr. dulcis; Pulvere & jusculo quodam grandines è Vesica fellea eduxit *Exc. Hertod. in Eph. Germ. Ann. 4. & 5. Obs. 99.* Ebulliens biliosus humor postulat acida, quorum varia genera probè distinguenda, aquea, saturantia, refrænantia, inhibentia, ut sunt vin. granat. succ. acetosell. serum lact. capr. hord. sem. 4. frig. lapill. cancr. C. Rhinoc., ebur, sacch. hni, 2, Antim diaph. papaveracea, anodyna, narcotica, & c. *Venenatus* pro veneni diversitate, ægrique conditione varia antidotis propriis, quæ *Sennert. l. 6. pr. p. 6.* tradit, curetur, quibus utilissimè camphoram admisceri ex *Wecker. antidot. ait Mœbius tr. d. Camph. c. 25.* Inter communia verò seq. mixtura locum habet cochleatim sumenda: R. aq. scord. fumar. card. bened. à ʒij. theriac. Andr. ʒj. Diascord. Fracastor. ʒiiij. Syrup. acetos. Citr. ʒj. Sal item viperarum & C. C. volat. suo funguntur hîc officio. Aliæ causæ quomodo tollendæ, ex propriis petendum locis.

XVI. Restat *Diata*, quam brevissimis attingam: Mutatio aëris non rarò magnum affert auxilium, cibi sint medica-

mentosi in Chronicis morbi optimi, Potus item ægrorum similis
 infus. vel decoct. imprægnentur; Pisorum jus, quod quidam pro
 abstersione Ictericis præscribunt, damnat J. C. Rosenberg. *ros*
Jatr. animadv. xiiij. Poculum quoddam, aureum ab antiquis Me-
 dicis dictum, ex erythrodani radice factum ex *Plin. l. c. l. 24*
c. 2. laudat J. Lang. *l. 1. Epist. med. 29.* Animi affectus viten-
 tur immodici, mœror præsertim, & nonnaturalia omnia
 supra intra causas adducta fugiantur, aut de-
 center corrigantur.

I.

TU *Möglings* eris decimus jam Tertius, Artis
 Cui Medicæ Laurum Nostra Tubinga dabit:
 Stirpe satus Medicâ Studio, Virtute Parentem
 Cùm referas, fiat Par Tua Fama, precor.

scripsit

PRÆSES

I I.

ESt pretium virtutis honor, qui pulvere venit,
 Otia nam segnes condere lenta solent.
 Sudorem assidui nomen comitatur, at horum
 Vita latet veluti, sic quoque fama fileat.
 At Möglinge gregem virtus tua nescit inertem,
 Altius ex imâ surgere gaudet humo.
 Qui multa excubias Musarum ad lumina duxit,
 Non operam, aut oleum perdidit ille suum.
 Ipse volens studium fructus, facilisque sequetur,
 En! præstò meritis præmia digna tuis.
 Turba novena tibi nectitque Hygieabrabeum,
 Atque caput certant condecorare tuum.
 Addet Juno faces: sic parte beatus ab omni,
 Unus & ex paucis, quos amat æquus, eris

Applaudit conspicuo labori

Prænobilis & Clarissimi Domini Candida

Medicinæ, Cognati sui colendi

JOHANN - HENRICUS MÖGLING

Philos. Stud.